

企齋集

共八本

~ 16  
2412  
3





和  
2412  
卷 8-3

金齋集卷之三

十

詩

李虛谷和三日詩韻見寄復步以酬  
田園今日賦歸來寬得三年白髮催  
千首詩篇從我老百年襟抱為誰開  
民川自可藏漁隱露石何妨作釣臺  
善畫無人能寫此綠簑青笠雨中回

柴荆寥落少人來庭草階花日已催  
身對青山塵想絕夢驚黃鳥醉眠開  
閉門復見陳公勾多病還登杜子臺  
從此山陰清興足直須





乘月棹舟回

三月晦送舅氏于江干驪使君邀與同舟而至不赴無以詩謝之

離別清江欲盡春柳花深岸更留人驪興太守如相問為報澹臺懶作賓

聞布穀有感

天機袞々不曾停誰識人時未可輕山鳥亦知農務急隔林終日勸春耕

四月初四日有作

清和天氣最宜人綠滿園林已饒春風送柳

花穿北牖夢迷蝴蝶過西隣吾今喪我心無二汝豈知魚樂是真唯有浴沂遺意在白頭聊復整冠巾

讀陶詩

首夏天氣佳園廬絕塵事桑麻夾疎籬麥浪門前起欣然酌我醪撫卷良自喜陶公古時人氣味那得似高詠止酒篇讀止千萬把清風此時來北窓有真意

復用前韻奉酬李虛谷

自我居常斷往來稍無人事眼中催床頭書



卷風吹落洞裏蓬門日午開  
捨瑟詠歸還把酒濯纓歌罷更登臺  
浮生栩栩同蝴蝶付與莊周一夢回

江上連朝細雨來綠陰黃鳥自相催  
傲霜籬菊漸々秀向日園葵寂々開空有丹心懸  
魏闕更無清夢到銀臺誰知白首元亨老曾  
把天香滿袖回

虛谷雲煙待子來東池芳草要詩催  
每將秀句逢人詫自喜吾廬擇地開  
窓下清風翰上世睡鄉長日當春臺  
同時同道居同里有酒

婢工碾藥眼前人事欲無加

御題洞連

幸宣陵後  
濟川亭應製 御

平湖秋水故茫茫樓壓層霄是岳陽  
廣樂似聞天上奏紫煙猶起御前香  
澄流變作思波潤碧嶽還添孝思長  
莫道洞連天下勝濟川從此擅風光

送妻兄仲虛氏出宰靈光郡

天寒霜雪清道遠若為行湖海三年別  
風塵數日并馬能更分手不忍細論情  
去後慰愁思子游在武城



得錦山舅氏書喜田園事譜

書從錦郡傳寄我買山錢故國無先業江村  
有釣舡兄應占喜鵲母亦戀歸田拖樹春來  
遍秦人豈獨仙

東湖契會圖

勝跡曾遊地留芳未往湖題名追古事修契  
入新圖儲養非詞賦張皇在典謨寧將一思  
賜暇只自博歡娛

家貧遣妾戲書

雖同司馬相如病不及香山居士年思愛未

衰頭白後春心尚在柳枝邊中遠免使齊人  
泣開閣非關佛祖禪擬把斷絃還得續眼前  
稚女只堪憐

挽宗室伊城君

渾身天上澤貽後眼中珍野鳥笙歌罷山花  
錦繡新却成封馬鬣徒見卧麒麟從此王孫  
草蔓々度幾春

新皇帝即位喜聞遼薊無梗

初聞遼薊妖氛息玉曆新頒第一春高帝  
山河元自壯中原功業古無倫天心未厭周



家錄海內寧侵羯虜塵最喜滿廷多補袞不知誰復盡經綸

家目病痼久滯城中適值冬暖江水無冰思得歸缸而作

已約歸田病未能心開藥裏坐拖燈三冬欲盡疑無雪一鵬初殘喜有水但使春來稀癘疫敢望秋實滿濛濛開窓見月空惆悵準擬江缸興可乘

除日立春

換帖開千戶驅儼動四閭朝聞春又立夜覺

京國衣冠同里開江湖煙雨獨琴樽耳聞張趙交傳綬眼見朱陳絕打門五馬已回嚴武駕百花空老杜陵村金章更有俱存樂移鎮西原為樹萱

東伯尹公豐亨寄書以示遊覽楓岳頌誇山色之勝且遺華牋兩幅以求陋語請為清債去謝荅

山東驛使傳消息日午村闌啓竹西細札數行誇岳色華牋兩幅要吾題塵留蠟屐身還老夢躡仙蹤興不迷知有借眠禪榻在愧無



飛鳥騁間栖

訪元元長姊丁西原州牧李君雙日雨  
雪稱病不來戲之

芥宮翰苑曾相識末路休沉望大鵬只是戴  
生何必見非關野雪興難乘

却效

杜陵寒眼由来久此日看花似霧中不是風  
情今盡減紅粧非合白頭翁

謝中原別駕朴君某惠燒酒西果松茸  
金莖秋露墜玄天瀉入水壺合自然多謝風

流黃別駕舜泉能到蛤蜊前

青玉圓形白雪肌崑崙風味帶仙姿相如病  
渴無人解最恨神農竟不知  
聞說青松下有苓分明與世制頽齡香葦產  
自神仙窟性味還應作弟兄

江邊即事

屋上青山對夕嵐偶因秋興坐江南無端客  
思添多少故國歸舟忽兩三

春日即事

洞府煙花萬樹春白頭孤寄異鄉人無端日



午山鳩響喚起閑愁捲入頰

次梨湖韻用答三山詩意書文上人軸  
仙界凡間隔去留百年何地可浮休真源到  
處應如一莫把三山較孰優

期尹生共翫秋月于神勒寺

秋水驪江正渺然想應新月更娟之明朝神  
勒尋僧去擬借禪窓共一眠

謝金使君惠炭

官丁秋伐木深谷轟紅霞分作金爐燼寧須  
野昂茶紫燒工部芋青煮邵平菰只恨罇無

綠其如酒鐘何

江上送朴永川璿還任

君為嶺嶠離鄉客我作江南去國人社燕秋  
鴻來去異黃花愁映白頭新

患頭風李虛谷寄西穎以詩次韻簡謝  
青囊無術可繫肘疾病由來聖亦有新詩恰  
得撒手愈况復西風生座右

謝惠官醞江魚且求草堂蓋覆

南山獲豆還有使到柴關官醞青浮蟻江魚  
白入餐妻孥息願下交契睦如間秋雨愁茅



屋能忘漏未乾

重陽日招李虛谷尹坪村

坪村虛谷對元亨九之三句已成三地各  
謀三處會一罇何似一峯并

李虛谷和寄九日詩二首復步其韻

晴窓茶鼎咽彭亨簟襲秋涼睡未成欲效莊  
生齊萬物世間憂樂本來并  
家、秋獲占豐亨西事今朝已報成吾輩尚  
堪文藻用不妨携酒數相并

朴教授携酒來訪坐屋山南面有作

有酒相過君莫難世間那得此身閑無邊光  
景村、好須折江山面、看

謝金使君惠席

風流太守罄交情忽有清晨款野扃曾與酒  
錢今得席客來爭賀鄭先生

朴家席上用李虛谷韻賦彈琴者

農家朝夕悶無今有酒留賓月上岑吏部欲  
成文字飲相如非為鳳凰琴

戲贈豐基郡守李仲豫

溫飽豐基守飄零正憶渠相如多病久五滄



故人踈竹嶺非無鴈，驪江也有魚。別離拋硯  
筆，羞殺玉蟾蜍。

南有頭流寺，北連長白齊。晴雲封古栢，俊鶻  
托危栖。誤落虞羅巧，饑隨郡守啼。山梁多粥  
粥，乞與逐寒蠶。

冬祭後約與尹生

友衡

話不至夜坐示

兒曹

為酒烹羔供歲事，田家同此享昇平。髯生有  
約還無興，辜負今宵雪月明。

次省洞先生登大嶺韻書關東錄後

挽成上舍妻氏

流落始知成上舍，憶曾經過看池蓮。偶來談  
笑賓筵盛，已覺尋常玉饋賢。從此幾承瓊珮  
問，忽聞空負筭珈篇。兒啼母哭人間事，夜月  
清秋地下憐。

哭李隣丈

為棄於時分作岷，與君同里老元亨。春花秋  
月東池上，從此無人話野情。

夜聞犬吠黃公叔，貢自嶺南行過陰竹  
以詩相問呼燈簡復

黃公叔



通來音耗苦相疎何處湖山是寓居我自  
貪程難駐馬若應專壑訝逢車半生乾沒  
徒催老十載窮愁好著書前月憑人報華  
札蘋花欲採意何如

容顏非舊鬢毛疎十載相思苦索居花徑已  
稀岳露跡席門如避故人車千山重隔回青  
眼一歲三看枉索書剥啄夜驚寒巷犬還憑  
驛使報何如

承示青鷁相公仲秋夜有懷之什無奉  
梨湖相公用其韻衍為五篇輒復效顰

寄呈使君案下非敢為詩欲不負勤教

云爾青鶴相公即李議政符

嘗開詩壘約先降欲和陽春愧斫窓筆力獨  
能扛九鼎詞源驚見倒三江如今湖海同鷗  
鳥曾是蓬萊對玉缸頼有故人來作尹一傳  
消息鴈飛雙  
風流太守衆皆降政簡琴堂晝閉窓歸興拜  
逢秋對月客愁仍值雨連江無由縮地悲長  
路安得論文共小缸千古習池遺愛在莫教  
山簡擅無雙



樓前萬象竟來降  
明月清心夜  
啓窓佛磬遠  
傳聞古寺驪龍深  
閉落寒江  
當時遣興留詩  
句幾度追歡有酒缸  
一卧元亨衰病甚  
令人空憶鴟鳶雙

白石青雲意已降  
鴨山朝暮對軒窓  
陶潛遺世非無酒  
子美消愁更有江  
心慕古人書作枕  
分甘新粥土爲缸  
之知平地神仙在  
若比道遙信少雙

堪笑詩魔未可降  
十年功業不燈窓  
樽前忽得羽書檄  
醉裏如聞飛渡江  
敢把長槍拖屈

寒勢成高屋  
連銀毛雖未歇  
盟壇血肉袒  
宜獬壁一雙

嘗畜一鷹為養老  
病非為玩也  
既失此物困於寒  
菹即聞見  
紐于官鞵  
從朴使君祥求之

金眸玉嘴非凡鳥  
曾掛虞羅幸見羈  
多病割肥方始可細君  
謀酒更能宜長風  
昨日吹雲翼冷影  
今朝失羽儀  
聞說錦條還受繫  
一呼應戀主人知

驪江使君用江韻賦二律求和



樓下魚龍亦解降使君為政敵雲窓清心入  
大無邊月神勒黃驪不盡江馬用割鷄游利  
刃莫復喫酒費深缸一炊未熟人先老鏡裏  
分明雪映雙  
病身難動膝難降栗里真成有北窓縱惜按  
毛能濟世敢忘投壁與盟江知吾不擊磬之  
石期子同傾漱之缸更欲借君無幾日預憂  
懷裏壁分雙

用江韻謝惠燒酒巨口頰尾

元龍豪氣已全降老病侵尋守一窓屋上吉

聲朝喜鵲枕邊佳夢夜翻江魚分丙穴來無  
味露墜玄天瀉入缸兩手儘堪教酒用蘇仙  
當日未成雙

同驪興使君暨原州別駕崔君再遊興

原赤壁下舟中作

萬斛羈愁欲款降舞筵歌扇對船窓春疑雉  
岳雲生岫花遍驪陽錦作江三道始分橫赤  
磨二州相會列金缸無端更起騷人意忽有  
飛來青鳥雙

東江相公用江韻作三七篇之中二韻



有寄意於某者且賦讀書堂昔年事亦  
曰其意復之

名利場中膝未降白頭今復倚南窓  
新居生理成微業故國煙花隔大江  
心折停雲迷去路意闌春酒灑深缸  
傳聲莫道無魚鴈天上池中足有雙

朝回相遇即相降同去讀書雲母窓  
鴨脚堆林遊北寺琴高薦網賞東江  
銀盤金縷水晶盞松葉香醪皤腹缸  
遙憶倚闌人欲醉侍兒供筆韻飛雙

湖中寓意復用江韻

紛々世故盡輸降獨對中宵月下窓  
小楫昔曾驚宦海扁舟今日落吳江  
山人每寄新茶片室婦常藏久酒缸  
自是清狂無箇念鬢毛何事白垂雙

群鳥都消衆妄降靜中紅日照晴窓  
身安蓬葦鷓巢樹樂在簞瓢鼈飲江  
小甕菘醅賢滿腹大田收豆善盈缸  
眼前萬事從容地寶鴨沉煙自在雙

方病浮腫謝使君惠青頭鴨



秦醫難受二兒降一病經旬卧護窓指腫恐  
成浮似股鴨頭驚見綠於江能鳴不鳴赴湯  
昂有效無效拋藥缸輕物重人仁政始驪陽  
何限彩禽雙

使君請賦清心樓四詠復用江韻

無邊春意物俱降樓上妍華滿客窓心斷好  
山園遠野眼明歸棹下前江敢捐蘭佩沉煙  
浦擬採蘋花載酒缸更賴使君為攸羨關々  
啼鳥亦求雙

曾誦清詩我已降百年來倚鄭公窓滄波故

故飛雙鳥煙雨依々鎖一江火日敢侵青玉  
案冰壺長對水晶缸登臨物色還如此今古  
風流孰作雙

山似高人瘦不降水如明鏡冷涵窓鷗洲夜  
白沙籠月官樹霜深錦濯江四座清談飛玉  
屑十分名醜丘金缸煙霞有興長留客皂舄  
差池定幾雙

雪意稜々未肯降攢眉聊復倚吟窓地成海  
果花飛兩人作凌波步過江駭客更能工作  
勾使君還解巧添缸蓬萊此日須歸去群玉



山頭鶴自雙

用江韻無送驪興使若秩滿還朝

止流行坎不知降欲鑿垣墻作戶窓蘭畹向  
來空紉佩海門何處可沿江慵踈自是迷前  
道遲暮猶能飲此缸湖海更堪知已別西風  
衰鬢日凋雙  
別恨乘秋未易降客燈無焰雨侵窓甘將白  
首編黔首遠送驪江達漢江張攸久聞歌麥  
瑞永民還恐視蛇缸歸朝若問吾行止已近  
沙鷗一兩雙

書紙尾

題罷還憐紙尾空却將餘意問關東西行倘  
有金剛錄莫惜斜封寄此翁

和來韻

悠悠萬事信天公白髮綠何已作翁未死故  
人今問訊悲來呼酒更澆胸

題怡亭

聞說怡亭去後開只今嫌我雪中來池花岸  
艸都無見但採天寒復一杯

閏鵬立春後

丙申



佳辰難久挹白髮易欺人  
鵬後仍看閏元前  
已得春正憐年較退轉覺候逾新  
雪盡連村柳東風暗作顰

寄鄭正印浩

久作吳門貳室賓亦知親老又家貧  
相欺推挽吾何敢富貴應非隴斷人

次諸先生韻書敬懷上人画山軸

相傳糟粕少存神幻妄空隨見在身  
師欲為山安用假但將名實早分賓

江上龍門問道山老禪方丈只三間  
觀空一

日還飛錫深密伽陀著幾般

次祖遇上人韻簡答

龍門江上蒼深處著禪房師祖開  
函丈闍梨滿食堂道山閑日月春  
草任牛羊倘得帆檣過當連清夜床

重陽後再設鄉會座上皆插菊花戲示  
吾鄉從此極風流會罷重陽再繼遊  
惆悵菊花顏亦歇不應羞上老人頭

簡謝金使君惠買瓦錢

才名遠愧杜陵賢生理堪誇我在前  
春雨不



愁茅屋漏野橋今復見携錢

李家席上奉酬梨湖韻

從古功名作馬鞭此身誰得辦長嬉江山有  
疾將誰解世事知非不可追南越公今成似  
喜北窓吾已到無為平生最被君恩大耿  
耿緘封尚在髓

簡謝報恩僧寄竹扇芭鞋

閑將紫竹刻為扇更採青芭捆作鞵珍重山  
僧情意厚企齋從此野裝佳

雨中詠荷池露珠

李君士彦 送山疏次其韻戲復

平生藜藿慕持梁未得半頭爛及勝今日始  
嘗山菜味十年塵夢敢專場

送驪興張使君罷官南歸適有從喪未

成出郊以詩

烏鴨山前犬不驚天民川上獨柴荆來依劉  
表雖非分自比陳相願作眠別路忽聞從弟  
逝祖道空負使君行陞沉榮辱皆天序曾刺  
真珠亦染叢

林聘君挽



意氣傾時彥門欄搖俊賢謳歌聞列郡名位  
看雙全劍合龍丘遠龜殿錦水偏息私季女  
墀頭白淚長懸

人事有如此往來空自悲青春遠錢地朱夏  
哭歸時流落嗟何及存亡恨莫追平生過速  
令執紼鬢成絲

金使君為致辭稻種重以牛草且徵復  
馬養于官廐以詩謝之

來趨黃稻青芻束惠自親民物亦牛健日  
耕三百畝種成秋獲萬箱實

珍重驪江青眼尹索飯稚子免啼飢奚奴牽  
去三山騎五馬群中莫病肥

尹衡之為寄杭餅山鳩以餉熊兒謝之  
南方杭稻滑為餅山上斑鳩臆作羹佳惠一  
封能及幼女呼男走送歡迎

鄧將契會圖

五衛分軍直嚴更禁月高長揚稀羽獵主將  
莫霜毛共享昇平樂同歡一世豪舉觴論事  
業應不數蕭曹

送權醴泉瑤之任



堂成俱慶鍾成畫曾記斯堂賦是鍾之画亦  
倫堂尚在只今人事已無同

俱慶堂中設慶首持鍾獨壽大夫人想見會  
稽朱太守只應悲不遠雙親

絲服連闈君戲嬉白頭遙遠我何如人生一  
日供甘旨不換三公語不虛

陽山僻縣君曾宰烏鴨荒村訪獨栖白首洛  
城纔得會不堪分手又東西

曾看鍾画圖三世至性君無孝弟慈割剥向  
來民失職徒茲循吏數當時

次楓岳韻

行探佳勝閱高低誰識真遊謝屐鞋群玉峯  
頭明月地肯教浮世捻成迷

次頭流韻

人間摘埴信多歧歸去仍携綠玉枝千載白  
雲藏鶴洞崔仙遊處可題詩

次妙香韻

蔓香深處間朱藤山上遊居盡聖僧欲識火  
傳元不極只今猶有佛前燈

次尹秀才希任韻示諸郎



九死餘身白髮年，祇今那意覩青天。遺簪再御塵埃滿故國，還歸日月遷霈澤。許身人有罪時和從見，野無賢諸君勉勵時難失。素食吾慙河水漣。

次韻復書學天詩軸

海上椰山入眼碧，鶴飛不及凌空錫。椰山久待主人歸，一別驪江春水綠。

偶詠

有家當有累，柘源豈真逸。那似步虛人，吹簫向明月。

詠黃柳

堤柳搖々先得陽，東風吹拂嫩絲長。莫教容易鶯啼綠，魚恐明朝雨洗黃。

哭驪興教授金同年

承文壁，上題名字屈指如今有。幾人欲作嗟來歌，不得子桑今又返其真。

謝仁卿記問生日

分明白髮鏡中新，垂老殊方擯逐身。珍重使君情意厚，更憐初度是庚寅。

天樞



天垣紫微環北極斗傍一星名是樞四時回  
指十二辰千古運用長不渝崇之擢立古銅  
柱何取此義干雲衢雖無膏火繼炮烙毒焰  
燔空同作痛當年偽周老武墨曾入唐宮成  
媚狐更衣先帝隱所私虞聚穢亂天必誅紀  
何功德可矯誣敢效嶧山秦政愚司晨乳鷄  
聖示戒女后臨民義所無卯金神器雖一擲  
那似唐家移廟貌房州孤日照虞淵六郎蓮  
花如粉朱綱常淪敗到此極腥臭上聞銅臭  
俱雕鐫文字誣萬世欲誣萬世安得誣

曉起寒齋

霜重林如玉村深地似仙日生鳴凍雀人語  
起孤煙身退心無事兒存業有傳寒齋成獨  
坐唯酒可忘年

簡謝李使君惠山灰銀魚

鄒律難溫寂寞濱惠鮮還荷使君仁薪窮作  
炭能傳火日變為銀更擅珍燔炙豈宜供野  
老割烹端合享嘉賓寒齋一日冬烘裏方把

羊蔬辨夢真

魚舊名目中變為  
銀今還為目云

次寓灣韻書凌雲上人詩軸



江湖零落阻陪遊  
游刃曾看試十牛  
詩句近成山與地  
佩蘭聊解洛之洲  
尋常魂夢渾無化  
來往音書且未修  
病裏忽逢蓮社衲  
欲酬清唱已悠悠

書再生契軸

胡兵乘釁殺邊臣  
王遣元戎出塞巡  
幕府此時皆俊傑  
風波當日任艱辛  
舟臨懸水驚千尺  
命落深潭保九人  
夷險一心應已試  
世間誰作白頭新

書從父兄文敏公二樂亭集後

家世高陽屬一堂  
幾陪樽酒論文章  
功名已許歸鍾鼎  
詞藻終看出廟廊  
三樂自多蒙教育  
百年誰使異存亡  
悠悠湖海空驚骨  
讀掩遺篇淚滿眶

西菓架

惟西有名菓仙品  
久秘跡曾在廣寒  
宮月娥謹栽植後  
來崑崙圍常充玉  
皇食神農嘗百草  
不敢漏仙籍邇來  
幾千歲未逢偷桃  
朔上帝悶下界熱  
惱馮心腹文如司  
馬卿渴死救不得  
故遣鳳凰鳥嚙子  
出西域遺種散天  
下



在東西南北野人忽持贈亦黑盈一握申子  
老作圃帝所曾識樂微物豈有緣相逢慰流  
落斫竹護短籬開塲面廣漠植杖春雨中綠  
茁已抽玉蔥勤鋤矯草曉露濕我是自經四  
五月旱魃久為虐連筒汲古池手灌朝又夕  
漸看引蔓長委地成屈曲張拳或上柯意欲  
攀空碧心悲天上物托根匏菘塲仙姿與道  
貌亦異凡草木操斧斲丁丁作架聲索索寒  
條上凌亂密葉交翠綠黃花古色淡花底實  
已著纍纍萬顆垂衆星互聯絡圓如月示缺

色勝薛初琢甘露細淪肌明水凝作肉實能  
爽塵昏豈但娛耳目續秋暑初退白酒仍成  
酌散髮卧前軒疎雨聞滴漉呼兒摘青圓霜  
刃恣剝剝盤堆碧琅玕玉肌紅仍白泉生齒  
底津雪入喉中泮一片醒心魂二片除滓濁  
三片發仙興清風吹兩腋四片若羽化生彼  
冲天翼五片不敢服先生今坐謫還恐玉帝  
怒夜半飛霹靂收拾舊仙種去騰霧廓肯  
同桃李盤一嘗令人俗

綠婚嫁偶入滄城鄭公雲卿將赴上



都借以花牋一幅求別語甚勤久別中  
復作遠書以為贈

十五年前在洛城暮年峯下慣將迎如今偶  
到紅塵裏聊借花牋寫別情  
一自分携路有歧幾年雲樹費相思  
水還能遠不是燕山久別離

觀獵自戲

儒老還成鑿鑿翁半酣騎馬御裘茸紅塵白  
首從他老黃犬蒼鷹落手中

有僧來乞詩書其軸云自楓岳來居雉

岳

湖山久擅嶺東西楓岳遙連雉岳齊仙鶴養  
雛留古竇胡僧飛錫覓幽栖多日結習遊春  
慣為愛騷詞學道迷嘉甬遠來良有意敢將  
荒律慣先題

小兒子求詩偶詠所見

為鴨山頭夕照紅蕭々庭樹下西風空齋獨  
坐成遲暮鴈度長天思不窮

送鄭即入京求官

棄學求社  
故惜之

茫々世路極多歧欲問窮通是孰為長短度



來由丈尺東西差處自毫釐好榮惡辱心皆  
在去易趨難衆亦癡今日送君臨道別他年  
知我為縈悲

久患肺病忠清伯潘公之父相問曰求

蘇合元明日得藥與詩次韻簡謝潘公頌

音塵一別後日月兩跳丸久病年增肺新知

近得山夜看星象動朝報鴈書還天上丹砂

粒隨緣到野間

翌日自青川過峽出報恩縣前川原開

豁若作一天棄棗松林間樓居頗似仙

府清溪杳然而去仍用板上韻口號

峽外川原作一天林中樓觀豈非仙行人却

渡前溪去添得桃花更杳然

冷泉江上甚清絕無與為儂坐來不覺

興發復即事示任君

轟轟崑崖錯繡羅細細溪水粲金沙春寒自

重行非早時近清明未見花

題黃澗駕鶴樓韻

山月當樓上崖風為竹留憑軒迎灑氣回眼

送長流春色生青草天涯自白頭飄零真不



分駕鶴作仙遊

次東臯韻書日沃上人詩軸

春回綠草非無色山有紅花更不空歸去春  
山花草遍眼前紅綠有無中

辛卯仲春初一日夜半有人迷雪路尋

村乃許公清夫遣問也即事簡謝

春雪深埋運寒雲夜暮村人尋揚子宅犬吠  
翟公門忽此披芳簡何回對酒樽回燈十年  
思詩以代長言

次邵堯夫年老逢春韻十三首

年老逢春造物猜韶光不肯逐時迴蕭々芳  
月寒猶重惻々柴門暖始開山杏怯霜紅入  
萼土階留潤綠增苔主人依舊貧無數梁燕  
尋巢幾日來

年老逢春物自妍物妍人老酒樽前暫時行  
樂非無地到底寬懷便有天點檢詩篇唯我  
事刻雕紅紫是誰權此情欲問杯頻把琴已  
無絃敢斷絃

年老逢春又值晴一宵花月轉分明樽中新  
綠香浮蟻林下飛禽羽有鶯煙出却勝高閣



望芒鞋何待小車行清歡剗處無今古莫道  
天公賦未平

年老逢春做好春十年今幸脫迷津煙雲鳥  
鴨無烽火花木元享有主人永日獨吟枯戰  
筆晴窓相對炷爐薰風光優我閑如許誰辨  
當時未死身

年老逢春一樣春老年那似少年身常憐浪  
蕩隨風速莫厭行杯到手頻時雨過來知過  
化陽和存處見存神無端造物元由帝不負  
青紅只屬人

年老逢春味正多一春都在萬般花應須把  
酒非吾已若不題詩奈爾何惜誦莫悲時序  
變詠歸還覺性情和春花酬了唯詩酒身外  
得名是甚麼

年老逢春心未厭紅花白髮肯相嫌山開錦  
繡芳初散江作葡萄綠已添遇興豈無杯面  
凸題詩還有筆頭尖古今流轉應如此多少  
風光我得拈

年老逢春天不慳逢春未易少年難都将羨  
景拚行樂斷取餘生幸得閑白髮豈宜聞酒



盡綠陰何遽報花殘樽前好事貧全未鶯柳  
黃金更博歡

年老逢春宿雨收花枝不肯為人留難將塵  
世須臾事換得芳樽爛熳遊薄霧捲來新月  
上長風吹送暮江流眼前勝地非無樂歌罷  
懷君自未休

年老逢春喜欲狂青錢賒酒恰相當婦能餽  
勉須謀醉花若飄零可耐傷分裏清閑甘足  
啖人間厚味若難嘗如今事業除詩卷明月  
瑤琴只一張

年老逢春卧醉頻賞春無幾又傷春停杯欲  
問青天月落葉能辭白髮人休把繁華誇象  
目不妨潦倒任吾真從來大悟終難到還擬  
餐霞學鳥神

年老逢春自不任誰教衰病日相侵知時烏  
有提壺去問字人無載酒尋靜室樊籠殘夢  
破小園芳草落花深琴絃斷後膠難續莫道  
如今少賞音

年老逢春始識春眼中何物不精神風花月  
露如非我詩酒琴歌豈是人一座圖書元有



易百年来往搃成陳莫將富貴媒心熱吾與  
莊生解愛身

雨中書懷

栗里關門懶不開草堂高枕夢初回千峯隱  
隱歸雲合萬木騷々暮雨來幽意漸知陶上  
世物情多見引中才安能辨此逍遙地樗散  
由來保不材

謝清風宰申君彥容寄松蘿崖蜜

堂姪

珍重多情山水宰為傳書札到林丘松蘿豈  
後苓千歲崖蜜宜先藥上流白首忽嘗佳境

味丹砂如就古人求回君更問真消息寒碧

清風似舊不

曾求清風不得  
使舊洪丹砂事

江西縣令李同年挽詞

舊友嗟誰在今來又失君東江昔日別西塞  
幾年分善積唯餘慶蘭抽更挹芬空悲壺酒  
真無復重論文

書事

從兒課舊學謝客閑重關老困難禁卧時平  
只愛閑蔬繁微雨裏飯熟午眠間幸作無憂  
者寧知世事艱



晚睡書懷

獨成閑睡望久住此山川鶴立青郊破龍移  
黑雨懸等消清世日任放白頭年欲作遺業  
意江風為颯然

次梅宛陵秋蟬韻

秋陽鮮晚霽庭樹落疎陰啼破此間夢飛來  
何處林空恰引長嘯不耐聞清砧聽有悲祖  
歲分明霜髮侵

監農歸認所穿靴乃為郊承旨時受  
賜馬皮靴者感而有作

錫命銀臺署靴成善馬皮著來隨沃駕歸處  
步雕螭放踵涵深渥終身屨至仁今朝荒野  
運猶衛草萊臣

挽丁二相 王亨

長途終不覺華秩蚤飛名八雅餘明哲三朝  
有老成宜為天所憖只賴世生卿鶴化千年  
後何人更識丁

七月十六夜月是夜乃望且入白露節  
實兼仲秋之勝

火流秋既望露白月仍圓爽氣生虛室清光



照不眠有心添耿々無酒對妍々衰髮明應甚吟蛩近坐邊

興原舟中醉別權都事

暫尋江上路來為故人期岳花紅散錦髮髮白垂絲萼々春將晚依々別更遲移艇且進酒難得此佳時

秋雨書懷

今古經心坐不聊無邊秋意雨蕭々山容似怨歸黃落天氣應催作沈寥宋玉豈曾偏坡康莊周安得更逍遙離騷自是撩人意誰送

千窮集此宵

朴君瓌惠海魚簡謝

回家貧厭杜陵盤老畏寒菹齒帶酸南食久知宜口腹急呼荆婦更加餐

秋原閑眺

偶然扶杖出荒丘正是郊原割稻秋日脚漏邊疑雨脚山頭高處認雲頭醉成閑眺收詩句坐倚長風散旅愁笑殺世間多少事欲將天地寄蜉蝣

蒙 息後立春日示諸門生



天地春還至川原雪欲融青陽猶舊歲白首  
又東風枯朽 恩光徧村閭賀客同驚者明  
鏡裏金玉照衰容

復用前韻

歲律今云暮春心已自融 渥恩兼厚德游  
氣與翔風眼為看花別歡應把酒同還思佳  
會處頭白要從容

挽清風郡守 中憲

憶在清風郡頻來江上村艱難君盡義死喪  
我孤息婦寡家無幹兒驕女未婚都將千古

恨鬱、閑重原

甲午夏僑寓孤山村舍食不得醬菜盤

嘗鹽戲書

藜羹難絮菜闌干長鉞歸來誰為彈忘味却  
勝蘇子句清齋足繼杜陵盤

曉坐書懷

空齋侵曉坐朝旭射踈櫺露洗寒空淨煙消  
遠岫青書難看處會鴈欲斷時聽自是心無  
累猶復更後形

摘瓜收粟自為其倡無心責子之覓梨



金齋集三  
栗此翁真可笑也戲書

風收亭栗紫雨摘圃瓜青白首元亨老還供  
稚子爭

中秋望月示座上吳盧兩生

時到清秋勝情生此夜中人看先後異月色  
古今同若復無何飲真成不負公平生老子  
興於此更無窮

前岡草木俱瘁松獨青之感而賦

天機袞々自無停萬物芸々各受形草木過  
時黃落盡嶺松非故獨青々

踏青日與長湍府伯作川傍飲口彌

試把牛刀割客愁  
還作踏青遊  
薄雲高義無今  
舊滿  
春心失去留閣上望時花似  
錦川傍飲康水如油眼前光景看  
別遙憶家山有此不

謝陽智宰權君璵寄皮蕙苾一斛

曾驗圖經秘常須蕙苾仁根苗猶入藥瘴癘  
敢侵人歲晚吾多病情深子獨親明珠輸一  
斛怯見謗何頻

龍仁縣令崔君挽君以哭長子亡季子



以哭父亡  
人也至斯極天乎恐此為孝慈俱未報善慶  
欲何施竹國憐中子桐鄉見後思百年空吐  
吐三塚共纍之

次韻

白髮不辭貧寒山長在戶如何久離心更聽  
蕭之雨

投宿山寺

少年常愛山家靜多在禪窓讀古經白髮偶  
然重到此佛前依舊一燈青

春川校誥

玉署銀臺雨露傍絲綸宜補舜衣裳都吁契  
合同三過龜虎身無領一方佳什更傳周枋  
杜清陰長保召甘棠岷山此日增蒼翠誰記  
相州畫錦堂

監可沈公光  
彥江陵人也

原州校誥

臨瀛古府海東壩天聚文星世有賢身立清  
班朝著重名通禁籍渥恩偏今未民物謳歌  
裏舊日湖山錦繡前莫道鄙儒無可採緇衣  
能賦好賢篇



用春原二州謠韻謝沈監司士炯惠問  
江湖落魄酒壚傍不分朝衙却倒裳若記舊  
同陪紫禁應憐今獨在殊方欣聞摩嶺垂星  
象忽憶鳴沙踏海棠末路交遊多斷絕孰紆  
書札到茅堂

昔年曾刺海之壖晚托交歡伯氏賢憐我文  
離長在病知公孝友本來偏銀花白々魚由  
丙翠栢桓々子落前多可尹生傳遠信殷勤  
况又誦佳篇

奉和沈監司士炯立春日有感之作草

寄驛使兼謝惠魚肉

一脉陽和徧四壩簞瓢依舊不堪賢家成爲  
鴨寒山外身老黃驪遠水偏好信定從春帖  
後羶香來襲菜盤前無端更寄官梅興入手  
新詩第二篇

再書信洽禪師詩軸

壬辰正月既望坐小亭待月有敲門  
者乃往年求詩僧信洽也為言前所  
題詩年久字已不明願得改書以為  
山家久藏計也見前詩所和有如梨



湖寓灣兩相公手跡其何敢改也遂  
用前韻書以還之但記其事爾

春山落日沒村西浦柳輕煙翠色齊卷幔靜  
看新月影敲門驚起暮鴉棲重逢僧面心如  
在再到桃源路豈迷草々舊詩還入軸眼明  
多是好人題

原州校誥詩十韻為任監司作

巢鵲驚飛遠甘棠剪拜頻披雲星象動拭目  
使華新玉署遺前事霜臺啓後臣王心方倚  
汝民意正思仁文武周山甫經營漢寇恂蒼

生須教化古道重咨詢遠把金銀節徐行嶺  
海春還將鄒魯意來作狷狂人絃誦彬彬日  
鑿聲噦々辰自叨章甫列同得走跋々

浮蘆宴會詩次李相公韻兼寄洛水郭

金兩逸老

天民川上元亨里主人自號元亨翁揚雄解  
嘲意已踈十年衆毀來成叢心閑一室萬慮  
虛不覺朝旭明窓櫺剝啄初聞相公書仙夢  
遠回蓬萊宮長篇大書石鼓字眼昏缺月雲  
朦朧鋪張物色雜好色國風未至成變風江



湖滿意入譔浪足見鶴不安鷄籠追惟世事  
我亦懶白頭乃今顏發紅浮廬高會若可繼  
老子之興還無窮包山遺老漆園吏白髮壓  
座如羣穠金生有羨姬數高靈勝地吾古土  
眼前洛水流向東銀壺輸與買牛人郭生賣人九牛  
價後其人以銀壺償之不受意氣風流誰與雄平生不羨  
謝公妓咲坐金屏歌騎驄正似野翁銀柳女  
不妨撫琴還送鴻流傳還有寓灣詩岩擊大  
鐘聲容春元亨主人好事老一生瓠落誠無  
容誦詩還復想其人尚友亦在千載中神交

南北阻音容世間離合能念幾題詩一笑寄  
洛水李白本不悲蒿蓬

雨後即景

川水渾黃欲作河薄雲殘日雨邊斜門前忽  
有船來泊添得孤山一興多

久雨戲書

幾年曠旱常須雨此日淫霖未見晴莫道中  
和民鮮久只應天道亦難平

久苦甚雨一宵得月喜而有作寄尹生  
約與同翫



久雨埋殘暑今宵豁客愁長空淨如洗片月  
白於秋似有豐年慶寧無載酒遊孤山川亦  
漲還可繫扁舟

戲詠銀竹

森々攬々亂雲中一一元從造化工分明洗  
盡玄黃血細看應無染淚蹤

仲春在城中

心悲滯雨在城中病怯衝泥馬未東聞道行  
墻花欲發故園應已映山紅

春雨晚望

綠楊芳草遍東陂小閣閑登日暮時細雨過  
東花暗淡微風吹去燕差池燕歌漠々穿林  
迥賈舫依々逝水遲收拾眼前多少意何妨  
老子有新詩

送沈僉知孟容公連源作進香使無示

陳慰使鄭同知仁甫公

東國春方殷燕山客遠行真求喪禮日仍有  
誦詩聲共作三韓使同陳一辨誠隨雲朝  
北極憑軾賦西征離別非無淚男兒自有情  
樓船經泃水旌節繞遼城漸喜皇居壯還



悲長信  
宿無由攀鶴馭  
那復問鷄鳴  
精享神明格  
皇恩雨露傾  
樂存吳有見  
垣毀鄭知名  
縱可論虞夏  
誰能若弟兄  
玉河明月白  
萃岳暮雲晴  
莫以清時別  
還添白髮生  
歸期先刮目  
何日見回旌

次清心樓韻

白頭來倚画軒端  
勲業休看鏡裏顏  
江上舊懷唯美酒  
天涯相識是青山  
無邊光景悠々外  
不足浮生擾々間  
多少登臨誰到此  
心清方得暫時閑

次葵亭韻寄題

傾陽憐物性  
誰與對軒窓  
為報主人道  
可能同酒缸

暮春出東郭  
趙出土秀妻  
弟吳景顏子  
澣三人  
餞于祭壇松  
亭趙以四韻詩贈  
行追和其韻簡寄

追憶嘶春匹馬東  
祭壇松下數人同  
持杯有限湖山隔  
會面無多歲月忽  
別意暗驚添鬢  
白  
夢魂猶怕踏塵紅  
唯存綺語隨行橐  
能起今朝寂寞雄



送春無又送人東留有離情去亦同已信相逢難袞々何言此別却忽々塵間變化浮雲白客裏光陰浪蕩紅得喪向來俱草々秋應明道解英雄

家贇別坐鄭衡口傳金公國弼所寄二絕次韻以示

看變星霜十五回故山今又菊花開相逢京洛少相識回首天邊鴻馬來君視於吾少一春只今同作白頭人十年顏面雲重阻兩地交情賴有神

原州牧夫人叔母鄭氏挽

淵懿早稱德光輝終爛門承々餘善慶莫々著蘋蘩一疾悲三復千年閨九原寒砧江上斷無地更如存  
追憶驪江上移舟惜別離承歡如侍母遣問每垂慈忽破三刀夢還成百歲悲傷心重到地那忍拜靈輿

送酒換醋戲簡朴教授

調和五味誰無口麴糵鹽梅搃可人嗜好向來多異性欲將甘苦換々半



昨得朴君書蒲韻朝來又得次韻詩再  
用其韻謝之

鱣膾尊經共薦新江鄉風味正宜人  
菖蒲亦是文王醋少女朝來更受辛

詠亭樹

鱣奇離腫托根深上有風聲下有陰  
多爾不為有斧夫與吾宜保歲寒心

謝寄白花蛇奉贈原州半刺李同年

身多風瘡將安已盧拈記擡不奈何  
太守政平民復賦通來難得永州蛇

旱久雨足有感

久知雨當來不謂便見足偉哉一需功造物  
真有力向也有何怒今者亦何樂枯榮遮須  
吏欲問天自嘿

原城校誦為朴監司作

俊造群中第一名當時清選早登瀛紫垣為  
府飛騰速玉署鑿門出入禁北極一星驚少  
彩東關百姓喜重迎仁聲正合陶新化歌頌  
何慙魯兩生

主家屋山有梨栗二枯樹對立狀若畫



圖戲題

槎牙朽栗對枯梨誰見花開結子時今日詩  
人摹作畫不然那得更新奇

朴教授惠新蒜麥使薦用其韻簡謝

回家三月清齋裏蒜菜茹葷麥飯香多謝孝  
思來錫類白頭追遠共新嘗

寓居夏夜書事

披褐卧明月脫巾露白頭風來如有慰老去  
更無求夜氣全仍暑虫聲欲近秋悠々人世  
內此意信清幽

簡謝沈楊根寄生疏有

殊方留滯轉遷移親舊音書日自稀  
願怪夜來羊蹴圍客盤今始見鮮肥

午炊

束縕歸來趁午炊行非接浙又何邊  
清風一枕渾無夢睡徹黃粱已熟時

夏日書事

干祿時既往學稼頭亦白此物無可用安所  
識苦樂怡然一室內往々讀古籍古籍自有  
味々至輒忘食清風為我吹百年欣有得永



懷知音士悵望世已隔  
新熟頰然醉吐地萬古一窓址

有人贈桃五十枚實大異常色味俱勝  
食竟無一罅戲賦

上苑何年識此桃種傳當日舊仙曹  
輕均醉臉含丹暈細瀉霜肌映白毛  
味勝不知吾口爽實成猶是爾姿高  
豈如海橘終為枳孽盡緋心欠一罅

七夕戲書

天孫有巧不曾分人世老工織錦紋  
四十九

年愚似舊白頭讎笑柳州文

次韻謝寄西果

懸圃曾聞種玉田樹成仙果遠相傳  
風流氣味依然在醒破塵昏白髮前

次韻塘丈老韻四首

方知樂吾樂未暇憂人憂田園白頭卧不減  
逍遙遊

生涯無不足丈室有餘清人既知魚樂我亦  
知子情

滿懷孔聖書不曾施一半門垣自脩然何事



申與段

吾亦懶衣冠敢讓同浴裸臨民敬未試燕伯  
簡為可

戲謝韓使君與卿致蓋苦

即叔昌

四壁藏書未蓋炭床、誰憫雨淋漓使君不  
忘愁茅屋從此無嘆欲漏時

晚睡

天外高低千萬岑暮雲春雨遠相參十年一  
會江南意欲寄情人自不堪

謝惠雉魚戲簡

老去清廡工學杜病來枯淡正如黃山梁得  
意濠梁樂共作先生一味長

題龍門山僧迺修詩軸

遊山有志今傷老猿鶴深盟負未能此去龍  
門知不遠年、空見乞詩僧

白鷄鳴于屋上戲詠

曾啄淮南丹鼎餘幾年飛上九天栖常隨玉  
兔朝金母猶向人間伴白鷄

早春日戲簡朴善山德璋

東風吹髮白紛紛未到花時已憶君去後茅



山後鶴怨德璋還恐德璋文

原州牧大夫人挽

諸孫滿眼玄曾盛門闕由來善慶長五福最  
難先得壽一生唯恨早稱亡東征有賦人方  
羨北背無萱事可傷誓到爾居雙劍合故山  
松梓更蒼  
含悽共說原城事人世今逢厄會重已困  
縶  
齋方據石豈堪霜露更雕楓外堂奉養衣巾  
冷滿路攀彌士女同扶腋哀  
頭亦白此時  
誰道涕無從

驪州金牧夫人挽

儀刑覃一境婦德著重闈夢協三刀貴年踰  
七袞稀門欄仍有慶巾櫛竟無非人尚桐鄉  
牧馬能駐素幃

早見盈門慶常留滿背春儀刑賢刺史徽彌  
淑夫人故國丹旌返親卿白髮新傷心江上  
路父老亦沾巾

仲春雨

鳩婦鳴初逐紫扉懶不開物情春自怒花計  
雨能催適似知時至誰令盡日來田翁相報



喜微逕濕蒿萊

斗酒何妨久三杯未可輕身無愁共老春與  
物俱生伏枕憐花信開簾聽雨聲庭前山杏  
樹紅入幾枝英

楓岳玉上人以詩來謁次其軸中韻以

盡殷勤

零落藏漁釣飄搖遠紱纓長懷楓岳秀為愛  
王師清泪没人誰悟昏冥爾獨醒摩尼懷裏  
秘明月暗中驚在世元無任何方更有情秋  
山歸亦好倚遍寺樓楹

雪日即事

睡起書窓晝自暝茅茨騷屑靜中聽山雲過  
康峯初白隴月清時麥尚青叱犢人歸迷石  
路啼鴉樹老護柴扃風寒正撩安和意莫恠  
先生久不庭

元日晚雪

鷄鳴年又至屐響雪猶新白欲追殘鴈膏應  
動始春熹微孤燭影展轉異鄉身忽憶龍墀  
曙還露頌壽人

次清心樓韻



江光溶漾動簷端客子登臨為破顏紅葉白  
頭悲北望落霞踈雨認西山悠悠勝迹詩成  
後杳孤懷鳥沒間范老有憂無日樂飛來  
爭似白鷗閑

甲午仲春閏月念五鄉人作會于孤山  
松亭見一村桃花盛開景物可愛後數  
日回避瘴疫僑居于此暮年初吉重作  
前會座上口號示諸子弟

松林當日會佳賓無數桃花耀晚春獨憐景  
物留連久來借茅廬作主人

歷有和者復用前韻以示惜春之意  
名是為春實是賔桃花欲謝強為春年惜  
此春光去春作殘春人老人

晚霽

開軒看雨霽獨立絕塵紛雲斂山爭出川生  
野忽分犢尋堤草斲人向隴田耘天地閑如  
我翻白鷺群

次亡友訥齋韻書道崇上人詩軸

入琴久已亡歲月倏云去塵寰一何卑黃鵠  
未高舉竒哉此老禪何地得此語酬詩隔一



世寄吾元賓與

有僧誦法初者與道崇偕至亦求詩甚  
勤曰問其所歷覽戲記而付之

初從智異山中出乃踰大屯登鷄龍浮遊黃  
海白沙汀歷遍九月西來峯慈悲嶺上聽鳳  
鳴却向關西浮大同麒麟窟前訪朝天下視  
綾羅煙雨濛香山萃律香爐峯振錫一日聞  
香風高尋上元入內元法初行裝聯道崇北  
荒雪山未經往遙望金剛遵海東飛上一萬  
二千峯眼見扶桑朝日紅奇觀壯遊說向誰

來訪元亨多病翁長篇大字試一寫筆下江  
山重復重二禪歸處一庵靜萬事紛々看亦  
空明窓靜几笑相對默識所歷應靈通

次清鑑堂韻投寄

官清人似玉政簡日為年堂宇新開構雲山  
近接連春生夢裏草月印鏡中天已喜能虛  
照何妨更寂然

宣城松桂舊雲林聞說書堂闢處深雛雉不  
曾驚樹下老夫還欲住山陰泉通小沼天光  
淨吏散前堦草色侵一咲絃歌那可得只題



清鑑擬傳心

睡餘

萬事者來頭已白讀書還笑入無從今刺  
得希夷樂誰畫先生著睡圖

戒二子

人參天地間所貴在知學賦與非不均稟受  
有清濁由其學不學賢愚終異域卓彼先覺  
人獨全此明德悶斯衆迷方指南導擿埴大  
道豈遠人吾心是太極五性理統同四端非  
外錄七情幾在意萬事交於目紛一日以閱

誰歟能主寂聖人自虛明所存神不測賢者  
必操持矧伊予與若操持非強把敬義宜著  
力懲忿與窒慾其要在謹獨鷄鳴儼衣冠六  
籍窓前讀夫子善誘人大段博而約莫輕子  
夏門莫先張也祿安和鎮浮躁孝弟乃汝職  
源泉必達海進者終有得丘陵不至山孔聖  
惡夫畫吾家一十世斯文相繼續實惟善慶  
基禍福在所積墜亦自汝輩起亦由不息嗟  
嗟漢與津勉爾知自勗



企齋集卷之三

十

企齋集卷之三

十



